

**Radio-televizija Federacije Bosne i Hercegovine**

**Broj:** 46003/251

**Datum:** 23.03.2018.

Na osnovu Člana 35. Zakona o Javnom servisu Radio-televizije Federacije Bosne i Hercegovine (Sl. novine br. 48/08), Člana 70. Zakona o javnim nabavkama Bosne i Hercegovine (Sl. glasnik BiH 39/14), donosim

**ODLUKU**

**o poništenju postupka javne nabavke usluga Izrade, razvoja i podrške Web-portala**

**I**

Na osnovu provedenog Konkurentskog zahtjeva za dostavu ponuda javne nabavke usluga **Izrade, razvoja i podrške Web-portala** prema Zakonu o javnim nabavkama BiH za potrebe Radio-Televizije Federacije Bosne i Hercegovine broj **JN: 45/18**, objavljenog na portalu javnih nabavki dana **06.03.2018. godine**, broj: **1343-7-2-29-3-16/18**, po osnovu kriterija najniža cijena tehnički zadovoljavajuće ponude, poništava se predmetni postupak javne nabavke:

**Usluga Izrade, razvoja i podrške Web-portala**, iz razloga predviđenim članom **69. stav (2) tačka (d) Zakona o javnim nabavkama**.

**II**

Odluka stupa na snagu danom donošenja.

**Obrazloženje**

Dana 06.03.2018. godine na portalu javnih nabavki objavljeno je obavještenje konkurentskog zahtjeva za dostavu ponuda u postupku nabavke usluga Izrade, razvoja i podrške Web-portala za potrebe Radio-Televizije Federacije Bosne i Hercegovine. Kao rok za preuzimanje tenderske dokumentacije određen je 12.03.2018. godine. Tendersku dokumentaciju preuzeli su slijedeći ponuđači:

- Citydeal d.o.o Sarajevo
- UNIS Telekomunikacije d.d. Mostar
- Ekapija d.o.o.
- Migros d.o.o. Sarajevo
- Citydeal flyfly travel d.o.o. Sarajevo
- VIA MEDIA d.o.o. Sarajevo

U roku koji je određen kao rok za dostavljanje ponuda (19.03.2018. godine), dostavljene su dvije ponude ponuđača:

- **CITYDEAL FLYFLY TRAVEL d.o.o. Sarajevo**  
**Alije Isakovića 1/2**  
**71 000 Sarajevo**  
**sa ponudom od:**  
**Cijena: 44.600,00 KM (Bez PDV-a)**  
**Popust: /**  
**Konačna cijena sa popustom: 44.600,00 KM (Bez PDV-a)**
  
- **MIGROS d.o.o. Sarajevo**  
**Bunica 24**  
**71 000 Sarajevo**  
**sa ponudom od:**  
**Cijena: 36.480,00 KM (Bez PDV-a)**  
**Popust: /**  
**Konačna cijena sa popustom: 36.480,00 KM (Bez PDV-a)**

Utvrđeni kriterij za dodjelu poredmetnog ugovora je najniža cijena tehnički zadovoljavajuće ponude.

Komisija je prilikom pregleda i analize ponuda konstatovala da ponuđač **CITYDEAL FLYFLY TRAVEL d.o.o. Sarajevo** i ponuđač **MIGROS d.o.o. Sarajevo** nisu zadovoljili formalno-pravne uslove koje je Ugovorni organ zahtijevao u tenderskoj dokumentaciji, te komisija isključuje ponude navedenih ponuđača.

- Ponuđač **CITYDEAL FLYFLY TRAVEL d.o.o. Sarajevo** je dostavio ponudu u kojoj je prepravljao sadržaj Aneksa 3 – obrazac za cijenu ponude, što nije u skladu sa Zakonom o javnim nabavkama. Ponuđač je dostavio dokument (biografija) koji je zahtjevan tenderskom dokumentacijom (tačka 7.4. – tehnička i profesionalna sposobnost) na engleskom jeziku, a prema tenderskoj dokumentaciji (tačka 8.1. – priprema ponude, podtačka 8.1.3.) svi dokumenti i korespondencija u vezi sa ponudom između ponuđača i Ugovornog organa moraju biti napisani na jednom od službenih jezika u Bosni i Hercegovini.
- Ponuđač **MIGROS d.o.o. Sarajevo** je u svojoj ponudi dostavio pogrešan obrazac Aneksa 3 – obrazac za cijenu ponude (nije dostavio dopunjenu i ispravljenu verziju Aneksa 3), te je samim tim ponuđač dostavio i pogrešan Aneks 4 - prijedlog Ugovora (nije dostavio dopunjenu i ispravljenu verziju Aneksa 4). Ponuđač je dostavio dokumente (certifikate) koji je zahtjevan tenderskom dokumentacijom (tačka 7.4. – tehnička i

profesionalna sposobnost) na engleskom jeziku, a prema tenderskoj dokumentaciji (tačka 8.1. – priprema ponude, podtačka 8.1.3.) svi dokumenti i korespondencija u vezi sa ponudom između ponuđača i Ugovornog organa moraju biti napisani na jednom od službenih jezika u Bosni i Hercegovini.

Shodno navedenom a cijeneći obrazložen i jednoglasan stav komisije za javnu nabavku iznesen u preporuci o izboru najpovoljnijeg Izvršioca usluga broj: 4110-22/298 od 21.03.2018. godine, odlučeno je kao u dispozitivu ove Odluke.

#### **Pouka o pravnom lijeku**

Na ovu odluku dozvoljena je žalba u skladu sa Članom 101. stav (5) Zakona o javnim nabavkama Bosne i Hercegovine (Službeni glasnik BiH 39/14).

RTVFBiH  
Džemal Šabić, generalni dir.

